

14-08

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

| | | | |
|--------------------------------|----|-----------------|--|
| Bosna i Hercegovina | | Kanton Sarajevo | |
| Federacija Bosne i Hercegovine | | Kanton Sarajevo | |
| 27-04-2026 | | | |
| 01 | 04 | 22405 | |

n/r Predsjedavajućeg Skupštine Kantona Sarajevo

Uputiti: Ministarstvu zdravstva Kantona Sarajevo, Kantonalnoj upravi za inspeksijske poslove (KUIP), Kliničkom centru Univerziteta u Sarajevu (KCUS) i Ljekarskoj komori Kantona Sarajevo – Etički komitet

PREDMET: Odgovornost, zakonitost rada i etički aspekti u slučaju dr. Benjamina Bejtovića i privatne zdravstvene prakse

Poštovani,

U skladu sa Poslovníkom Skupštine Kantona Sarajevo, a imajući u vidu izuzetno ozbiljne navode koji se odnose na rad zdravstvenih radnika, nadzor nad privatnim zdravstvenim ustanovama i zaštitu života i zdravlja pacijenata, upućujem sljedeća zastupnička pitanja.

Radi se o slučaju koji je uznemirio javnost i otvorio suštinska pitanja funkcionisanja zdravstvenog sistema, nadzora nad privatnim zdravstvenim ustanovama, ali i profesionalne i etičke odgovornosti ljekara.

Ako nakon smrti djeteta, javnost nema jasan odgovor ko je odgovoran za ovakva rad privatnih zdravstvenih institucija, ko je vršio nadzor i kako je moguće da isti akteri nastavljaju obavljati ključne funkcije u javnom zdravstvenom sistemu: onda se više ne radi o pojedinačnom slučaju, nego o ozbiljnom sistemskom problemu.

I. RAD U KCUS-U I UČEŠĆE U KOMISIJAMA

1. Da li je dr. Benjamin Bejtović bio angažovan na Odjelu ORL KCUS-a u periodu nakon predmetnog događaja.
2. Da li je bio član komisije za prijem specijalizanata i na osnovu kojeg akta je imenovan.
3. Ko je donio odluku o njegovom imenovanju u navedenu komisiju.
4. Koliku je finansijsku naknadu ostvario po osnovu rada u toj komisiji.
5. Da li KCUS smatra da je lice povezano sa ovakvim slučajem primjeren uzor mladim ljekarima i kandidatima za specijalizaciju.

II. PRIVATNA PRAKSA I ZAKONITOST RADA

1. Da li je tačno da je privatna zdravstvena ustanova djelovala pod nazivom „Poliklinika Bejtović“, iako nije ispunjavala zakonske uslove za obavljanje djelatnosti poliklinike.
2. Ko je izdao odobrenje za rad i na osnovu kojih kriterija.
3. Ko je vršio nadzor nad radom te ustanove.
4. Da li je izvršen inspeksijski nadzor prije i nakon tragičnog događaja, te koji su nalazi istog.

III. OBMANA JAVNOSTI I PROMJENA STATUSA

1. Da li je nakon smrti djeteta izvršena promjena naziva ustanove iz „poliklinika“ u „ordinacija“.

2. Kada je izvršena ta promjena i na osnovu kojeg rješenja.
3. Da li nadležni organi smatraju da je prethodno korištenje naziva „poliklinika“ predstavljalo obmanu pacijenata.
4. Da li su poduzete mjere protiv odgovornih lica zbog eventualnog dovođenja pacijenata u zabludu.

IV. INSPEKCIJSKI NADZOR I ODGOVORNOST INSTITUCIJA

1. Zašto Ministarstvo zdravstva i KUIP ne provode redovne i sveobuhvatne kontrole privatnih zdravstvenih ustanova.
2. Koliko je inspeksijskih nadzora izvršeno nad predmetnom ustanovom u posljednjih pet godina.
3. Ko snosi odgovornost za eventualne propuste u nadzoru.
4. Da li su pokrenuti disciplinski ili drugi postupci protiv odgovornih službenika.

V. ETIČKA I STRUČNA ODGOVORNOST

1. Da li je Ljekarska komora Kantona Sarajevo, odnosno Etički komitet, pokrenuo postupak protiv dr. Bejtovića.
2. Koji su rezultati eventualnog postupka.
3. Da li je utvrđena povreda etičkih i profesionalnih standarda.

ZAKLJUČAK

Ovaj slučaj nije samo pitanje pojedinca, već ogledalo sistema. Ako se dozvoli da se nakon ovakvih događaja ne utvrdi jasna odgovornost, ne provede nadzor i ne zaštiti javni interes, onda se šalje poruka da sistem ne štiti pacijente, nego štiti sam sebe.

Dodatno zabrinjava činjenica da se, uprkos svemu, ista lica ponovo pojavljuju u javnim zdravstvenim ustanovama i učestvuju u procesima koji direktno utiču na buduće generacije ljekara.

Zdravstveni sistem mora počivati na povjerenju, odgovornosti i najvišim etičkim standardima — sve suprotno od toga predstavlja direktan rizik za građane.

Očekujem da nadležne institucije dostave jasan, precizan i dokumentovan odgovor, sa imenima odgovornih lica i konkretnim poduzetim mjerama.

S poštovanjem,

Sebija Izetbegović

Zastupnik u Skupštini Kantona Sarajevo
